



Adran y Gymraeg ac
Astudiaethau Celtaidd

Astudiaethau israddedig mewn

Cymraeg ac Astudiaethau Celtaidd

Cynnwys

Croeso	t.1
Proffiliau Myfyrwyr	t.2
Ein cyrsiau	t.4
Cyflogadwyedd	t.14
Ymchwil	t.15
Cyfleoedd byd-eang	t.16
Sut i wneud cais	t.17

Gwybodaeth bwysig

Roedd y wybodaeth a gyhoeddir am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Mehefin 2025), ond fe allai newid. Cynghorir darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr bod y cynllun yn addas i'w gofynion.

Croeso

Croeso i Adran Gymraeg gyntaf Cymru. Sefydlwyd Adran y Gymraeg ac Astudiaethau Celtaidd Aberystwyth ym 1875, ac ers hynny mae'r Adran wedi arwain y sector â chyrsiau arloesol ym maes iaith a llên, ysgrifennu creadigol, Cymraeg Proffesiynol, astudiaethau cyfieithu ac Astudiaethau Celtaidd.

Yn y Gymru gyfoes ddatganoledig sydd wedi rhoi statws swyddogol i'r Gymraeg, rydym yn paratoi ein myfyrwyr ar gyfer ystod ehangach nag erioed o swyddi, ac rydym yn chwarae rôl allweddol yn yr ymgyrch i sicrhau miliwn o siaradwyr Cymraeg erbyn 2050.

Mae'r Adran yn gymuned agos ac eangfrydig sy'n cynnig amgylchedd cefnogol i'w holl fyfyrwyr, boed yn ddechreuwyr neu'n siaradwyr hyderus a rhugl. Gan fod ein myfyrwyr yn dod atom o bob rhan o Gymru a'r byd mae deinameg arbennig i'n bywyd academiaidd a chymdeithasol.

Fel Adran, rydym wedi ymrwmo i ddarparu cyrsiau diddorol sy'n hogi sgiliau beirniadol ein myfyrwyr ac yn eu hysbrydoli i gyflawni eu potensial. Mae staff yr Adran yn ymchwilwyr profiadol ac adnabyddus yn eu meysydd ac maent yn cyhoeddi ymchwil o safon ryngwladol sy'n bwydo i mewn i'r cyrsiau sydd ar gael.

Mae diddordebau ymchwil eang ein staff yn golygu bod Aberystwyth yn cynnig profiad dysgu cyflawn. Mae ein cyrsiau yn eang eu cwrdd ac yn cynnig cyfle i astudio'r Gymraeg yn y gweithle proffesiynol, astudiaethau cyfieithu, barddoniaeth a rhyddiaith gyfoes, beirniadaeth lenyddol, ysgrifennu creadigol, llenyddiaeth yr Oesoedd Canol, ac ysgrifennu menywod. Rydym hefyd yn arbenigo ym maes Astudiaethau Celtaidd, ac felly mae ein myfyrwyr hefyd yn rhydd i astudio'r Wyddeleg, Llydaweg a Gaeleg yr Alban. Mae cyfleoedd eraill ar gael hefyd drwy gyfrwng

cynlluniau cyfnewid â phrifysgolion yn Ewrop a gogledd America. Chi biau'r dewis!

Rydym yn cyfoethogi darlithiau a seminarau â thechnegau dysgu arloesol, gwaith grŵp, ac adnoddau electronig. I fyfyrwyr iaith, mae gennym lwybrau yn y Gymraeg a'r Wyddeleg wedi eu teilwra ar gyfer pob gallu, ac mae modd astudio Gaeleg yr Alban a Llydaweg hefyd.

Oherwydd ei lleoliad, mae myfyrwyr Aberystwyth - yn ddechreuwyr ac yn siaradwyr rhugl fel ei gilydd - yn gallu defnyddio eu sgiliau ieithyddol yn y gymuned yn ogystal ag ar gampws y Brifysgol.

Rydym hefyd yn darparu Tiwtor Ail Iaith penodedig, cynllun mentora gan gymheiriaid, a chling iaith i ddysgwyr. At hynny, mae UMCA (Undeb Myfyrwyr Cymraeg Aberystwyth) yn dod â siaradwyr Cymraeg at ei gilydd mewn ystod o ddigwyddiadau cymdeithasol, cerddorol, elusennol a chwaraeon ar draws y flwyddyn academiaidd. Ymhlith uchafbwyntiau'r flwyddyn mae'r Noson Llên a Chân a lansiad blynyddol Y Ddraig a drefnir gan ein myfyrwyr.

Er mwyn dysgu rhagor am ein Hadran a'n cynlluniau gradd, dewch i un o'n Diwrnodiau Agored. Cewch weld dros och eich hunan pam fod ein myfyrwyr wedi dyfarnu Ar y brig yn y DU am Fodlonrwydd Myfyrwyr yn y pwnc Astudiaethau Celtaidd (Complete University Guide 2024).

Dr Rhianedd Jewell
Pennaeth Adran

Proffiliau Myfyrwyr



Olivia Dobney

Cymraeg a'r leithoedd Celtaidd

Roedd y cwrs yn apelio ataf oherwydd...

Mae'n gyfle ardderchog i astudio'r Gymraeg ymhellach ac i ddysgu'n fanwl am yr ieithoedd Celtaidd eraill-braint enfawr!

Y peth gorau am y cwrs yw...

Yr addysgu. Mae cefnogaeth wybodus a chyfeillgar y staff wedi bod yn amhrisiadwy. Gwerthfawrogaf yn fawr sylw a gofal yr Adran trwy gydol fy mlwyddyn gyntaf.

Y peth gorau am astudio yn Aberystwyth yw...

Y peth braf am astudio yn Aberystwyth yw'r lleoliad. Mae'r dref - ei chyfleusterau a'i maint- yn galluogi myfyrwyr i greu cysylltiadau sy'n hollbwysig wrth dyfu a byw fel oedolion ifainc.



Nel Jones

Cymraeg

Roedd y cwrs yn apelio ataf oherwydd...

Dwi'n gobeithio cael swydd fel athrawes Gymraeg yn y dyfodol ac felly credaf y bydd y cwrs yn rhoi sylfaen dda i'r sgiliau llafar ac ysgrifenedig fydd eu hangen arnaf yn y swydd.

Y peth gorau am y cwrs yw...

Yr amrywiaeth o fodiwlau sydd ar gael er mwyn dysgu am agweddau gwahanol o'r Gymraeg megis gramadeg, barddoniaeth, rhyddiaith a'r ieithoedd Celtaidd eraill.

Y peth gorau am astudio yn Aberystwyth yw...

Y golygfeydd! Dwi wrth fy modd yn mynd am dro o gampws y Brifysgol i'r dref at y môr a chael gweld yr haul yn machlud gyda fy ffrindiau.



Rebecca Rees

Y Gyfraith a Chymraeg Proffesiynol

Roedd y cwrs yn apelio ataf oherwydd...

Roedd y cwrs yn apelio ataf i oherwydd y cyfleoedd ymarferol a sgiliau trosglwyddiadol mae Cymraeg Proffesiynol yn eu cynnig. Mewn pa brynag swydd, fe fydd cyfathrebu'n ysgrifenedig ac ar lafar yn elfennol, ac mae'r cwrs hwn yn bendant wedi fy ngrymuso ar gyfer y gweithle o achos imi ddysgu sut i ysgrifennu llythyrau, memos, a chynnal digwyddiad.

Y peth gorau am y cwrs yw...

Y peth gorau am y cwrs yw'r gweithdai gyda phobl sy'n defnyddio'r Gymraeg yn eu swyddi, gan ddangos inni fod galw am gymhwyster yn y Gymraeg, yn ogystal â dangos yr amrywiaeth o ddiwydiannau y gelli di ddefnyddio dy radd ar eu cyfer, megis newyddiaduraeth, y Llywodraeth, cyhoeddi a llawer mwy.

Y peth gorau am astudio yn Aberystwyth yw...

Aberystwyth yw'r lle i ennill eich gradd yn y Gymraeg oherwydd bod yr Adran yn gymuned glos a chefnogol; rwy'n gyfforddus wrth ebostio fy narlithwyr ac yn ddigon parod i ofyn cwestiwn yng nghanol darlith am fod pawb mor gyfeillgar.



Mirain Francis

Cymraeg

Roedd y cwrs yn apelio ataf oherwydd...

Mae'n cwmpasu pob elfen o'r iaith Gymraeg a'r diwylliant Cymraeg, gan fy ngalluogi i ddilyn modiwlau o bob math, gan gynnwys rhai creadigol, llenyddol a phroffesiynol, a chael blas ar bob agwedd o astudio'r iaith.

Y peth gorau am y cwrs yw...

Mae pob modiwl yn wahanol, ac yn gofyn am wybodaeth, sgiliau a gwaith darllen amrywiol. Nid ydw i byth yn diflasu ar orfod gwneud yr un peth drosodd a throsodd! Yn ogystal, mae'n rhoi cyfle gwerthfawr imi ddysgu am iaith, hanes a diwylliant ein gwlad, gan gyfoethogi fy nealltwriaeth o bob agwedd o'r Gymraeg. Gwnaeth y cwrs hefyd roi'r cyfle imi gwrdd â ffrindiau oes sy'n rhannu yr un diddordeb ac angerdd tuag at y Gymraeg, a'r holl elfennau sy'n perthyn iddi.

Y peth gorau am astudio yn Aberystwyth yw...

Y gymuned glos Gymreig sy'n bodoli yma yn y Brifysgol. Mae digwyddiadau o bob math yn cael eu trefnu'n wythnosol, gan fy ngalluogi i gymdeithasu â phobl o bob cwr o Gymru, drwy gyfrwng y Gymraeg.

Ein cyrsiau

Anrhydedd sengl

Astudiaethau Celtaidd	t.5
Cymraeg	t.6
Cymraeg (i Ddechreuwyd)	t.8
Cymraeg a'r leithoedd Celtaidd	t.10
Cymraeg Proffesiynol	t.12
Graddau Cyfun	t.13

Astudiaethau Celtaidd

BA (Anrh) | Q500 | 4 blynedd

Mae Aberystwyth yn adnabyddus am ei hymchwil ym maes yr ieithoedd Celtaidd ynghyd â'u diwylliannau, eu hanes a'u llenyddiaeth. Bydd ein gradd mewn Astudiaethau Celtaidd, sy'n bedair blynedd o hyd, yn rhoi cyfle unigryw i chi ddysgu am yr ieithoedd Celtaidd a'u diwylliannau.

Cwrs cyfrwng Saesneg yw hwn. Cymraeg a'r ieithoedd Celtaidd (Q562) yw'r cwrs Cymraeg cyfatebol.

Yn eich blwyddyn gyntaf, byddwch yn ystyried cwestiynau eang ynghylch hunaniaeth, diwylliant a llenyddiaeth ac yn dysgu iaith Geltaidd fodern. Wedi hynny, byddwch chi'n canolbwyntio ar ehangu eich gwybodaeth o'r ieithoedd Celtaidd ac yn dysgu mwy am eu llenyddiaeth a'u diwylliant o'r cyfnod cynharaf hyd heddiw.

Y Gymraeg a'r Wyddeleg yw'r ieithoedd craidd a gynigir, ond mae digon o gyfle i chi gynllunio cwrs gradd sy'n gweddu i'ch diddordebau, e.e. Llydaweg a'r diwylliant Celtaidd ehangach.

Byddwch yn elwa o:

- ymuno ag adran academiaidd yn y DU sy'n dysgu'r ystod ehangaf o ieithoedd Celtaidd, sef Cymraeg, Gwyddeleg, Gaeleg yr Alban a Llydaweg
- manteisio ar agosrwydd Llyfrgell Genedlaethol Cymru
- ymgeisio am ysgoloriaeth gan Lywodraeth Iwerddon i ddilyn cwrs iaith dwys yn Iwerddon.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- The Celts: A Contested Legacy
- Beginning Modern Welsh 1 & 2
- Introduction to the Literature of Gaelic Ireland
- Introduction to Welsh Literature

Yr ail flwyddyn:

- Introduction to Modern Irish Language neu Modern Irish Language and Literature for Non-Beginners
- Ysgrifennu Cymraeg Graenus
- Llenyddiaeth Gymraeg: Cyfoes a Hanesyddol
- Cwrs Cymraeg Llafar (cwrs haf Dysgu Cymraeg mis Awst)

Y drydedd a'r bedwaredd flwyddyn:

Modiwlau dewisol, ond bydd myfyrwyr yn dilyn llwybr ieithyddol o'u dewis eu hunain, sy'n cynnwys modiwlau penodol.

Ceir hefyd ystod o fodiwlau dewisol sy'n archwilio pynciau creadigol, llenyddol, ieithyddol a phroffesiynol.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:
Pwyntiau tariff UCAS: 120-96 gyda thystiolaeth o allu ieithyddol
BR: 30-26 gyda thystiolaeth o allu ieithyddol



Pwyslais marcio:
40% gwaith cwrs, 60% arholiadau



Teithiau/gwaith maes: Oes

Cymraeg

100% ar gael drwy'r Gymraeg

BA (Anrh) | Q560 | 3 blynedd

O astudio cwrs gradd yn y Gymraeg yn Aberystwyth, byddwch yn aelod o Adran sy'n arwain y sector mewn meysydd fel beirniadaeth lenyddol, astudiaethau cyfieithu, ysgrifennu creadigol a'r Gymraeg yn y gweithle proffesiynol.

Mae'r Adran yn gartref i gymuned fywiog o fyfyrwyr ac ymchwilwyr, o Gymru a'r tu hwnt, sy'n rhannu'r nod o hybu dealltwriaeth ehangach o'r iaith, ei hanes, ei llenyddiaeth, a'i lle yn y byd modern.

Mae'r cynllun gradd hwn yn cynnwys llwybrau Iaith Gyntaf ac Ail Iaith. Bydd astudio am radd BA Cymraeg yn caniatáu ichi wella eich Cymraeg ysgrifenedig a llafar, astudio ystod gynhwysfawr o lenyddiaeth o bob cyfnod, a dyfnhau eich dealltwriaeth o'r iaith a'r modd y mae'n parhau i ddatblygu mewn cyd-destun byd-eang.

Byddwch yn elwa o:

- gael eich dysgu gan arbenigwyr yn y Gymraeg a'i llenyddiaeth
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn
- dewis o blith ystod eang o fodiwlau ieithyddol, llenyddol, beirniadol, proffesiynol a chreadigol
- manteisio ar agosrwydd Llyfrgell Genedlaethol Cymru.

Ffeithiau Allweddol



Cynnig nodweddiadol:
Pwyntiau tariff UCAS: 120-96 gan gynnwys C Safon Uwch Cymraeg iaith gyntaf neu ail iaith
BR: 30-26 gan gynnwys C mewn Cymraeg iaith gyntaf neu ail iaith



Pwyslais marcio: Fel rheol, 40% gwaith cwrs a 60% arholiadau



Teithiau/gwaith maes: Oes

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

Iaith Gyntaf

- Cymraeg Llyfr a Chymraeg Llafar
- Ymwneud â'ch pwnc yn Gymraeg: sgiliau dwyieithog ar gyfer y brifysgol a'r gweithle
- Themâu a Ffigurau Llên c.550-1900
- Beirdd a Llenorion o 1900 hyd Heddiw

Ail Iaith

- Ysgrifennu Cymraeg Graenus
- Ymwneud â'ch pwnc yn Gymraeg: sgiliau dwyieithog ar gyfer y brifysgol a'r gweithle
- Trafod y Byd Cyfoes drwy'r Gymraeg
- Llenyddiaeth Gymraeg: Cyfoes a Hanesyddol

Yr ail flwyddyn:

- Gloywi Iaith (iaith gyntaf)

Y flwyddyn olaf:

- Gloywi Iaith yr Ail Iaith (ail iaith)

Ceir hefyd ystod o fodiwlau dewisol sy'n archwilio pynciau creadigol, llenyddol, ieithyddol a phroffesiynol.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



Cymraeg (i ddechreuwr) 88% ar gael drwy'r Gymraeg

BA (Anrh) | Q522 | 4 blynedd

O astudio cwrs gradd yn y Gymraeg yn Aberystwyth, byddwch yn aelod o Adran sy'n arwain y sector mewn meysydd fel astudiaethau cyfieithu, ysgrifennu creadigol a'r Gymraeg yn y gweithle proffesiynol. Mae'r Adran yn gartref i gymuned fywiog o fyfyrwyr ac ymchwilwyr, o Gymru a'r tu hwnt, sy'n rhannu'r nod o hybu dealltwriaeth ehangach o'r Gymraeg, ei hanes, ei llenyddiaeth, a'i lle yn y byd modern.

Ar y cwrs pedair blynedd hwn, cewch gyfle i wella eich Cymraeg ysgrifenedig a llafar, astudio ystod gynhwysfawr o lenyddiaeth o bob cyfnod, a dyfnhau eich dealltwriaeth o'r iaith a'r modd y mae'n parhau i ddatblygu mewn cyd-destun byd-eang.

Byddwch yn elwa o:

- gael eu dysgu gan arbenigwyr yn y Gymraeg a'i llenyddiaeth - staff sy'n weithgar fel ymchwilwyr ac yn brofiadol iawn ym maes dysgu
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn
- dysgu iaith Geltaidd arall yn ogystal â'r Gymraeg
- dewis o blith ystod eang o fodiwlau ieithyddol, llenyddol, beirniadol, proffesiynol a chreadigol
- manteisio ar agosrwydd Llyfrgell Genedlaethol Cymru a'i chasgliad o adnoddau llenyddol, clywedol a gweledol gwyb.

Ffeithiau Allweddol



Cynnig nodweddiadol:
Pwyntiau tariff UCAS:
120-96 a thystiolaeth o allu ieithyddol
BR: 30-28 gyda thystiolaeth o allu ieithyddol



Pwyslais marcio:
Fel rheol 40% gwaith cwrs a 60% arholiadau



Teithiau/gwaith maes: Oes

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Beginning Modern Welsh 1 & 2
- Introduction to Welsh Literature

Yr ail flwyddyn:

- Trafod y Byd Cyfoes
- Ymwneud â'ch pwnc yn Gymraeg: sgiliau dwyieithog ar gyfer y brifysgol a'r gweithle
- Ysgrifennu Cymraeg Graenus

Y drydedd flwyddyn:

- Cymraeg Llyfr a Chymraeg Llafar

Y flwyddyn olaf:

- Gloywi iaith yr Ail Iaith

Ceir hefyd ystod o fodiwlau dewisol sy'n archwilio pynciau creadigol, llenyddol, ieithyddol a phroffesiynol.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



Cymraeg a'r leithoedd Celtaidd

100 ar gael drwy'r Gymraeg

BA (Anrh) | Q562 | 3 blynedd

O astudio Cymraeg a'r leithoedd Celtaidd yn Aberystwyth cewch gyfle i astudio Gwyddeleg, Gaeleg yr Alban a Llydaweg, yn ogystal â'r Gymraeg. Byddwch yn meithrin dealltwriaeth ddyfnach o'r ieithoedd Celtaidd a'u llenyddiaethau hanesyddol a chyfoes, ynghyd â gwerthfawrogi eu deinameg ddiwylliannol a chreadigol.

Dysgir y cwrs hwn yn un o adrannau mwyaf blaenllaw y Deyrnas Unedig ar gyfer astudio'r Gymraeg a'r leithoedd Celtaidd. Nod y cwrs hwn yw hyrwyddo eich datblygiad ieithyddol. Byddwch chi'n cael cyfle i dreulio semester mewn prifysgol dramor yn y drydedd flwyddyn. Bydd y profiad hwn yn caniatáu i chi feithrin eich sgiliau iaith a'ch hyder a dysgu sgil y mae cyflogwyr yn ei edmygu'n fawr - y gallu i fyw a gweithio'n annibynnol.

Byddwch yn elwa o:

- astudio mewn adran sy'n dysgu ac yn ysbrydoli cenedlaethau ers 1875
- bod yn rhan o Adran a chanddi lu o gysylltiadau gwaith â busnesau preifat a chyrrff sector cyhoeddus
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn
- ymuno â'r adran academaidd yn y DU sy'n dysgu'r ystod ehangaf o ieithoedd Celtaidd: Cymraeg, Gwyddeleg, Gaeleg yr Alban, a Llydaweg
- manteisio ar agosrwydd Llyfrgell Genedlaethol Cymru
- ymgeisio am ysgoloriaeth gan Lywodraeth Iwerddon i ddilyn cwrs iaith dwys yn Iwerddon.

Ffeithiau Allweddol



Cynnig nodweddiadol:

Pwyntiau tariff UCAS: 120-96 gan gynnwys C Safon Uwch Cymraeg iaith gyntaf neu ail iaith
BR: 30-26 gan gynnwys C mewn Cymraeg iaith gyntaf neu ail iaith



Pwyslais marcio:

40-60% gwaith cwrs, 60-40% arholiadau



Teithiau/gwaith maes: Oes

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

Iaith Gyntaf

- Sgiliau Astudio iaith a Llên
- Cymraeg Llyfr a Chymraeg Llafar
- Themâu a Ffigurau Llên c.550-1900
- Beirdd a Llenorion o 1900 hyd Heddiw

Ail Iaith

- Ysgrifennu Cymraeg Graenus
- Trafod y Byd Cyfoes drwy'r Gymraeg
- Llenyddiaeth Gymraeg: Cyfoes a Hanesyddol

Yr ail a'r drydedd flwyddyn:

- Gloywi iaith.

Ceir hefyd ystod o fodiwlau dewisol sy'n archwilio pynciau creadigol, llenyddol, ieithyddol a phroffesiynol.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.



Cymraeg Proffesiynol 100% ar gael drwy'r Gymraeg

BA (Anrh) | Q5P0 | 3 blynedd

Mae hi'n bwysig darparu gwybodaeth a sgiliau i fyfyrwyr er mwyn iddynt lwyddo mewn gweithle proffesiynol dwyieithog. Aberystwyth yw cartref Cymraeg Proffesiynol, ac mae'r cwrs hwn, sy'n arwain y sector, yn boblogaidd ymhlith myfyrwyr a chyflogwyr sy'n chwilio am 'safon aur' yn y Gymraeg.

Bydd Cymraeg Proffesiynol yn mireinio'r sgiliau a fydd yn eich galluogi i ddefnyddio'r Gymraeg yn hyderus mewn cyd-destunau proffesiynol mor amrywiol â llywodraeth yng Nghymru, newyddiaduraeth, y cyfryngau a'r diwydiant cyhoeddi. Cewch gyfle hefyd i roi'r sgiliau hyn ar waith trwy gyfrwng profiad gwaith mewn un o 30 o sefydliadau a busnesau, gan greu cyfleoedd hollbwysig ichi rwydweithio. Mae ein modiwlau craidd yn cyflwyno ystod o sgiliau hanfodol. Gallwch hefyd astudio amrywiaeth eang o fodiwlau dewisol sy'n canolbwyntio ar iaith, llenyddiaeth ac ysgrifennu creadigol, neu gallwch ychwanegu iaith arall at eich CV proffesiynol drwy astudio iaith Geltaidd arall.

Byddwch yn elwa o:

- fanteisio ar gefnogaeth darlithydd penodedig Cymraeg Proffesiynol
- byw a gweithio yn un o gadarnleoedd yr iaith, gyda'r cyfle i fyw yn Neuadd Pantycelyn
- bod yn rhan o Adran a chanddi lu o leoliadau gwaith â busnesau preifat a chyrff sector cyhoeddus
- manteisio ar agosrwydd Llyfrgell Genedlaethol Cymru a'i hadnoddau gwyb.

Ffeithiau Allweddol



Cynnig nodweddiadol:
Pwyntiau tariff UCAS: 120-104 gan gynnwys B Safon Uwch Cymraeg iaith gyntaf neu ail iaith
BR: 30-28 gan gynnwys B mewn Cymraeg iaith gyntaf



Pwystlais marcio:
40-60% gwaith cwrs a 60-40% arholiadau



Teithiau/gwaith maes: Oes

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Cyflwyniad i Gymraeg Proffesiynol
- Cymraeg Llyfr a Chymraeg Llafar

Yr ail flwyddyn:

- Gloywi iaith
- Y Gymraeg yn y Gweithle
- Astudiaethau Trosi ac Addasu
- Bro a Bywyd: Dehongli Treftadaeth Lenyddol y Cymry

Y flwyddyn olaf:

- Prosiect Hir

Ceir hefyd ystod o fodiwlau dewisol sy'n archwilio pynciau creadigol, llenyddol, ieithyddol a phroffesiynol.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Graddau Cyfun

Pwnc	Ar gael gyda...	Gradd Gyfun
Cymraeg	Addysg	QX53
	Cysylltiadau Rhyngwladol	5FQL
	Daearyddiaeth	LQ75
	Hanes	QV51
Cymraeg Proffesiynol	Y Gyfraith	MQ56





Cyflogadwyedd

O sicrhau sgiliau cyfathrebu rhagorol yn y Gymraeg ynghyd â dealltwriaeth o ddiwylliant Cymru, gallwch ddisgwyl mwynhau amrywiaeth eang o swyddi.

Yn sgil Deddf yr Iaith Gymraeg a sefydlu Llywodraeth Cynulliad Cymru mae galw mawr am weision sifil, gweinyddwyr, cyfieithwyr, gweithwyr cymdeithasol, swyddogion marchnata, yn ogystal ag athrawon, ysgrifenyddwyr, cysodwyr, golygyddion, darllenwyr proffenni, cyhoeddwr, newyddiadurwyr ac ymchwilwyr a chyflwynwyr yn y cyfryngau Cymraeg.

Mae gradd yn y Gymraeg o Brifysgol Aberystwyth yn paratoi myfyrwyr ar gyfer ystod eang o gyfleoedd gwaith gwerthfawr yn y sectorau preifat a chyhoeddus yng Nghymru a thu hwnt.

Mae cyflogadwyedd wedi ei ymgorffori yn y cwrwclwm a gynigir i bob un o'n myfyrwyr. Nod ein modiwlau amrywiol yw meithrin eich sgiliau beirniadol, dadansoddol a chreadigol. Bydd ein modiwlau yn atgyfnerthu eich Cymraeg llafar ac ysgrifenedig, ac yn eich paratoi ar gyfer marchnad swyddi gystadleuol drwy wella eich gallu i gyfathrebu'n effeithiol ac i weithio â phobl

eraill. Mae'r modiwl 'Y Gymraeg yn y Gweithle' yn cynnig profiad gwaith gyda 30 o sefydliadau a chwmnïau cenedlaethol a lleol.

Ar ben hynny, mae'r cynllun gradd blaengar 'Cymraeg Proffesiynol' wedi sefydlu ei hun yn gymhwyster safonol ym marn darpar gyflogwyr sy'n chwilio am weithwyr dwyieithog cymwys - cafodd nifer o'n myfyrwyr gynnig gwaith amser llawn yn sgil eu lleoliadau gwaith.

Mae'r Adran hefyd yn rhan o gynllun sy'n cael ei gynnig gan y Gwasanaeth Gyrfaoedd sy'n cynnig arweiniad i fyfyrwyr ar agweddau ymarferol megis ysgrifennu CV a sut i ymddwyn mewn cyfweiliad. Daw siaradwyr gwadd yn eu tro o'r tu allan i'r Brifysgol i sôn am y cyfleoedd sydd ar gael i siaradwyr y Gymraeg yn y farchnad waith. Fel rhan o'r cynllun byddwch yn cael eich annog i fanteisio'n llawn ar y cyfleoedd sydd ar gael i chi yn ystod eich cyfnod yn Aberystwyth, er mwyn eich gwneud eich hun yn fwy deniadol i ddarpar gyflogwyr.

Ymchwil

Ymchwil sy'n gyrru Adran y Gymraeg ac Astudiaethau Celtaidd ac mae ein staff yn arbenigo ar iaith a llên Cymru a'r gwledydd Celtaidd eraill: Iwerddon, yr Alban, Ynys Manaw a Llydaw.

Mae ein hymchwili i agweddau ar Astudiaethau Cymreig a Cheltaidd yn rhychwantu'r canrifoedd, ac yn cwmpasu'r meysydd arbenigol canlynol:

- ysgolheictod testunol a sgiliau golygyddol; diwylliant llawysgrifol a llenyddol
- cyfieithu ac addasu llenyddol (damcaniaeth ac ymarfer, yn cynnwys y Canol Oesoedd)
- ieithyddiaeth ac ieitheg
- damcaniaeth feirniadol, yn arbennig ffeministiaeth ac astudiaethau rhywedd, eco-feirniadaeth, damcaniaeth ymateb y darllenydd
- hanes a beirniadaeth lenyddol
- ysgrifennu creadigol
- bywgraffiad ac ysgrifennu am fywyd
- ysgrifennu a diwylliant llenyddol merched
- llenyddiaeth y tirwedd a'r amgylchedd
- hunaniaeth leol a chenedlaethol mewn llenyddiaeth a diwylliant modern cynnar a chyfoes; llenyddiaeth 'pedair cenedl' ac 'archipelegaid'
- llenyddiaeth Gymraeg a Gwyddeleg gymharol.

Rydym yn croesawu ceisiadau gan fyfyrwyr MPhil a PhD.

Mae'r cylchgronau pwnc-ddiffiniol canlynol yn cael eu golygu gan aelodau o'r staff:

- **Dwned** (Dr Bleddyn Owen Huws)
- **The Journal of Celtic Linguistics** (Dr Simon Rodway).

Mae proffiliau'r staff yn cynnwys gwybodaeth am ddiddordebau ymchwil unigol y staff.

Drwy'r blynyddoedd mae'r Adran wedi derbyn grantiau allanol ar gyfer prosiectau cydweithredol. Mae'r rhain yn cynnwys:

- Trawsgrifiad o lawysgrif Cyfraith Cymru a ddihangodd o dân Wynnstay ym 1858
- Llenyddiaeth Cymru ac Ewrop (The literature of Wales and Europe)
- 'Women's Poetry in Ireland, Scotland and Wales 1400-1800' (Leverhulme Trust)
- Ymddiriedolaeth
- 'Gohebiaeth Carneddog a Rhai o'i Gyfoedion' - (the Correspondence of Carneddog and some of his contemporaries).

Mae gennym fantais sylweddol arall. Mae Aberystwyth yn gartref i amryw o sefydliadau allweddol, gan gynnwys Llyfrgell Genedlaethol Cymru, un o ddim ond pum llyfrgell hawlfraint yn y Deyrnas Unedig.

Cyfleoedd byd-eang

Mae tîm Cyfleoedd Byd-eang Aberystwyth yn cynnig ystod gyffrous o opsiynau i chi fynd dramor yn rhan o'ch gradd: o gyrsiau byr a chyfleoedd gwirfoddoli yn yr haf, i semester lawn neu flwyddyn dramor yn astudio mewn prifysgol sy'n un o'n partneriaid.

Os byddwch yn dewis astudio gyda blwyddyn integredig dramor, mae'r Brifysgol yn eich galluogi i astudio am un neu ddau semester yn ystod eich trydedd flwyddyn, gan ddychwelyd i Aberystwyth ar gyfer eich blwyddyn olaf ac i raddio.

Dengys adroddiadau bod myfyrwyr sy'n astudio dramor yn fwy deniadol i gyflogwyr ac yn ennill mwy o arian na'u cyfoedion. Beth felly am fanteisio ar gyfle anhygoel a gwella eich sgiliau holl bwysig ar yr un pryd trwy ddewis astudio dramor?



Y broses ymgeisio


- 1 Gwnewch gais trwy UCAS.com**
 Gwiriwch y dyddiad cau UCAS ar UCAS.com. Cod sefydliad Prifysgol Aberystwyth: A40. **COFIWCH:** Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.
- 2 Bydd y Brifysgol yn ystyried eich cynnig**
COFIWCH: Defnyddiwch Hwb UCAS i gadw llygad ar eich cais. Yn Aberystwyth rydym yn ceisio gwneud penderfyniad o fewn saith diwrnod.
- 3 Bydd y cynnig i'w weld ar Hwb UCAS**
 Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.
- 4 Penderfynwch ble i fynd**
 Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.
- 5 Llety**
 Pan fyddwch wedi gwneud eich dewis Cadarn/Wrth Gefn gallwch wneud cais am lety.
- 6 Diwrnod y canlyniadau**
 Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.
- 7 Dechreuwch bacio!**
 Cofiwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.

Adran y Gymraeg ac Astudiaethau Celtaidd,
Adeilad Parry-Williams,
Penglais,
Aberystwyth,
Ceredigion, SY23 3AJ

+44 (0)1970 62 1537

cymraeg@aber.ac.uk

/CymraegAber



Wedi'u dylunio a'u cynhyrchu gan
Marchnata Byd-eang a Denu Myfyrwyr,
Prifysgol Aberystwyth 2025.



Argraffwyd ar bapur
wedi'i ailgylchu 100%